

CONVOCATORIA DE BOLSAS DE COLABORACIÓN PARA FORMACIÓN COMPLEMENTARIA DO ESTUDANTADO DA UNIVERSIDADE DA CORUÑA. 1ª PARTE CURSO 2012/2013

A Universidade da Coruña fai pública a primeira parte da convocatoria de bolsas de colaboración para formación complementaria do estudiantado da Universidade da Coruña. O motivo do adiamento desta primeira parte é a posta en funcionamento da aplicación informática de xestión de bolsas propias. No anexo II figuran as bolsas que sairán na 2ª parte.

OBXECTO DA AXUDA

O obxecto desta convocatoria é a adxudicación de 20 bolsas de colaboración que permitan a formación teórica e práctica do estudiantado matriculado nun centro propio da Universidade da Coruña en estudos conducentes á obtención dun título oficial, mediante a realización de actividades de colaboración en diferentes áreas de interese formativo, como son as áreas de cultura, comunicación, calidade e novas tecnoloxías, estudantes e relacións internacionais.

A dotación total das bolsas será de sesenta e catro mil oito centos euros (64.800 euros), a razón de 360 euros mensuais cada unha delas, con cargo á partida orzamentaria 9870 422D 480.03.17

REQUISITOS DAS PERSOAS SOLICITANTES

Requisitos xerais básicos

Todas as persoas solicitantes dunha bolsa deberán cumprir os seguintes requisitos:

1. Estar matriculado en estudos oficiais na Universidade da Coruña e ter superado o 50% dos créditos da titulación.
2. Non exceder de 28 anos de idade durante o período de aproveitamento da bolsa.
3. Non percibir ningunha axuda económica incompatible. Tampouco poderá realizarse ningunha actividade retribuída que supoña a obtención de ganancias superiores no seu importe ao trinta por cento do Salario Mínimo Interprofesional.
4. Existir conexión entre a actividade obxecto da bolsa e o perfil académico de quen presenta a solicitude. Alén dos requisitos anteditos, a persoa solicitante dunha bolsa, deberá cumprir en cada caso os requisitos específicos que figuran no anexo 1 correspondentes ás distintas áreas de formación, se os houber.
5. Non ter sido beneficiario dunha bolsa de colaboración por un período superior a 12 meses.
6. Non poderán presentarse á convocatoria aquelas persoas que xa foran beneficiarias nalgunha ocasión de calquera bolsa de colaboración da Universidade da Coruña, sempre e cando o tempo conxunto exceda de doce meses.
7. Non se poderán aproveitar da mesma bolsa aquelas persoas que xa a aproveitaran en cursos anteriores.

FORMALIZACIÓN DAS SOLICITUDES

As solicitudes deberán cumprimentarse a través da aplicación informática á que se accede dende: <http://bolsas.udc.es>

Deberase acompañar a seguinte documentación:

- Currículo da persoa solicitante, coa documentación que o acredita. Recoméndase que se siga o formato especificado polo Europass (<http://europass.cedefop.europa.eu/europass/home/vernav/Europass+Documents/Europass+CV.csp>)
- Certificación académica detallada, na que consten as cualificacións obtidas, as datas de obtención e o número de convocatorias investidas en cada materia.
- Declaración xurada de non contar con ningunha axuda económica incompatible, nin realizar ningunha actividade retribuída. No caso de realizarse unha actividade retribuída, certificación da Axencia Tributaria acreditativa do seu nivel de rendas, para os efectos de comprobar que non se obteñen ganancias superiores no seu importe ao trinta por cento do Salario Mínimo Interprofesional. Fotocopia do DNI

Cada solicitante soamente poderá presentarse a tres bolsas distintas, no caso de exceder ese número, quedarán anuladas todas as solicitudes presentadas.

CONTÍA E PERÍODO

O importe bruto da axuda será de 360€ mensuais, ao cal se lle aplicará, de ser o caso, as retencións correspondentes.

A duración destas bolsas será de 9 meses comprendidos entre o día 1 de outubro de 2012 e o 30 de xuño de 2013, cunha dedicación de 8 horas semanais, sen que o tempo de dedicación diaria poida exceder de catro horas. O horario concertase co/a titor/a tendo en conta a ocupación lectiva da persoa adxudicataria.

A aceptación da bolsa farase mediante documento asinado pola persoa interesada, en que se compromete a cumprir todas as condicións recollidas nesta convocatoria.

COMISIÓN DE SELECCIÓN E CRITERIOS DE AVALIACIÓN

A Comisión de Selección estará constituída pola Comisión de Extensión Universitaria, delegada do Consello de Goberno.

Criterios de avaliación:

1. Expediente académico: 75% (máximo 7,5 puntos)
2. Outros méritos: 20% (máximo 2 puntos)

2.1 Experiencia documentada: prácticas, traballo (máximo 0,5 puntos)
0,1 puntos por mes traballado

2.2 Formación complementaria específica nas materias obxecto da bolsa á que se opta (máximo 1 punto)

Cursos de ate 10 horas: 0,1 puntos
Cursos entre 10-19 horas: 0,2 puntos
Cursos entre 20-49 horas: 0,3 puntos
Cursos de mais de 49 horas: 0,4 puntos

2.3 Idiomas (máximo 0,5 puntos)

Nivel A2 ou equivalente: 0,1 puntos
Nivel B1 ou equivalente: 0,2 puntos
Nivel B2 ou equivalente: 0,3 puntos
Nivel C1 ou equivalente: 0,4 puntos
Nivel C2 ou equivalente: 0,5 puntos

3. Coñecemento de galego: 5% (máximo 0,5 puntos)

Celga 1 ou equivalente: 0,1 puntos
Celga 2 ou equivalente: 0,2 puntos
Celga 3 ou equivalente: 0,3 puntos
Celga 4 ou equivalente: 0,4 puntos
Celga 5 ou equivalente: 0,5 puntos

Só se valorarán os méritos que se acrediten documentalmente referidos á data de finalización de presentación de solicitudes.

Contra a resolución, a persoa interesada poderá interpoñer un recurso de reposición perante o reitor no prazo dun mes a partir do día seguinte ao da publicación desta resolución na páxina web da UDC.

OBRIGAS DA PERSOA BOLSEIRA

Esta bolsa é incompatible con calquera outra bolsa ou actividade remunerada, agás as que se convocan para axudas ao estudo, ou con calquera actividade retribuída que supoña a obtención de ganancias superiores no seu importe ao trinta por cento do salario mínimo interprofesional. Para tales efectos, poderase solicitar á persoa interesada certificación da Axencia Tributaria acreditativa do seu nivel de rendas.

A persoa bolseira comprométese a realizar a súa actividade seguindo as indicacións do/a titor/a.

O incumprimento por parte da persoa bolseira dalgunha das condicións recollidas nestas bases suporá a perda da bolsa concedida e mesmo o reintegro das cantidades percibidas.

A persoa bolsreira comprométese a presentar ao responsable da súa titorización unha breve memoria das actividades realizadas antes do 30 de xuño de 2012. O incumprimento desta obriga suporá a devolución da contía recibida.

ACEPTACIÓN E RENUNCIA

A aceptación da bolsa, deberase efectuar no prazo de 3 días hábiles desde a publicación da resolución da convocatoria. Dita aceptación poderase facer dalgunha das seguintes formas: ben presencial no SAPE (Coruña ou Ferrol) mediante documento asinado pola persoa interesada, mediante o envío do documento de aceptación ao número de fax 981 167075, ou mediante comunicación efectuada por correo electrónico (desde a conta da UDC do usuario) ao enderezo electrónico sape@udc.es

Si no prazo de 3 días mencionado non se recibise a aceptación por parte do adxudicatario, entenderase que renuncia de forma expresa a bolsa.

As comunicacións coas persoas da listaxe de agarda, que por renuncia dos adxudicatarios tivesen dereito ao aproveitamento da bolsa, farase pola Universidade á conta de correo electrónico indicada na solicitude e disporán dun prazo de 24 h para aceptar a bolsa mediante algunha das formas previstas no parágrafo anterior. No caso de non obter contestación no prazo indicado entenderase que renuncia.

Todas as baixas que se produciren antes do 30 de xuño de 2013 serán substituídas pola seguinte persoa da relación que elaborará a Comisión de Selección.

Esta convocatoria debe ser integrada e interpretada ao abeiro do Regulamento de bolsas da Universidade da Coruña, aprobado na sesión do Consello de Goberno do 27 de setembro de 2007 e a súa modificación do 31 de outubro de 2007, así como dos acordos do Consello de Goberno de 17 de marzo de 2012.

PRAZO DE SOLICITUDE

O prazo de solicitude será dende a publicación desta convocatoria ata as 14.00 h. do día 12 de maio de 2012.

A Coruña, 02 de maio de 2012.

O reitor

Xosé Luis Armesto Barbeito

ANEXO I

CARACTERÍSTICAS E CONDICIÓNS DAS BOLSAS

| ÁREA | REQUISITOS ESPECÍFICOS | Nº |
|---|---|--------------------------|
| Oficina de Cooperación e Voluntariado (OCV) | | 2 (Coruña) 1 (Ferrol) |
| Servizo de Medios Audiovisuais (RECAV) | Estar cursando algunha das titulacións da Facultade de Ciencias da Comunicación | 2 (Coruña) |
| Oficina para a Igualdade de Xénero (OIX) | | 1 (Ferrol) |
| Deportes | Estar cursando algunha das titulacións da Facultade de Ciencias do Deporte e a Educación Física | 2 (Coruña) 2 (Ferrol) |
| Cultura | | 2 (Coruña) 1 (Ferrol) |
| Gabinete de Comunicación | Estar cursando algunha das titulacións da Facultade de Ciencias da Comunicación | 2 (Coruña) |
| CUFIE (atención á diversidade) | Estaren cursando a licenciatura en Psicopedagogía, ou estudante de terceiro ciclo dalgún dos programas da facultade de Ciencias da Educación na Universidade da Coruña. | 2 (Coruña) |
| CUFIE (Tarefas informáticas) | Estar cursando algunha das titulacións da Facultade de Informática | 1 (Coruña) |
| AFI (Tarefas informáticas) | Estar cursando algunha das titulacións da Facultade de Informática. | 2 (Coruña) |